

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-17849/22  
Sarajevo, 19.9.2022. godine

Na osnovu člana člana 69. stav (2) tačka e) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine a na preporuku Komisije za javnu nabavku radova, Općinski načelnik donosi

## **ODLUKU O PONIŠTENJU POSTUPKA JAVNE NABAVKE**

### **Izvođenje radova na rekonstrukciji krova sale za tjelesni odgoj u JU „Gimnazija Dobrinja“ i JU „Peta gimnazija“**

#### **I**

Prihvata se preporuka Komisije za javnu nabavku radova i poništava se postupak javne nabavke - "Izvođenje radova na rekonstrukciji krova sale za tjelesni odgoj u JU "Gimnazija Dobrinja" i JU "Peta gimnazija", broj obavještenja 422-1-3-163-3-130/22, objavljeno na Portalu javnih nabavki BiH dana 08.8.2022. godine i u "Službenom glasniku BiH" – Oglasnik javne nabavke broj 54/22 od 12.8.2022. godine, obzirom da je cijena prihvatljive ponude znatno veća od osiguranih sredstava za predmetnu nabavku.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba) i dostavi učesnicima u postupku, u skladu sa članom 70. stav (6) Zakona o javnim nabavkama.

### **Obrazloženje**

Odlukom broj 02/12-19-17249/22 od 05.8.2022. godine Općina Novi Grad Sarajevo pokrenula je otvoreni postupak javne nabavke – „Izvođenje radova na rekonstrukciji krova sale za tjelesni odgoj u JU "Gimnazija Dobrinja" i JU "Peta gimnazija" broj obavještenja 422-1-3-163-3-130/22, objavljeno na Portalu javnih nabavki BiH dana 08.8.2022. godine i u "Službenom glasniku BiH" – Oglasnik javne nabavke broj 54/22 od 12.8.2022. godine. Predmetni postupak javne nabavke pokrenut je nakon potpisivanja Sporazuma i Aneksa I Sporazuma sa Ministarstvom za odgoj i obrazovanje Kantona Sarajevo, JU „Gimnazijom Dobrinja“ i JU „Petom gimnazijom“ na osnovu člana 5. stav (1) tačka 2) Sporazuma o saradnji na realizaciji projekta rekonstrukcije krova sale za tjelesni odgoj u Javnim ustanovama Gimnazija Dobrinja i Peta gimnazija broj 02/02-11-24589/21 od 29.12.2021.godine. Procijenjena vrijednost za predmetnu nabavku shodno Odluci iznosi 98.290,60 KM bez PDV-a, odnosno 115.000,00 KM sa PDV-om.

Zapisnikom o otvaranju ponuda od 31.8.2022. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača:

1. „Sela“ d.o.o. Sarajevo sa ponudnom cijenom za ugovor i 2. „Bersia“ d.o.o. Sarajevo.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Bersia“ d.o.o. Sarajevo nije dostavio ponudu u skladu tačkom 3.3.1. a) i 4.4.1 tenderske dokumentacije – cijena ponude: „Ponuđač treba popuniti obrazac za ponudu i obrazac za cijenu ponude koji se nalaze u prilogu ove tenderske dokumentacije, u skladu sa svim podacima koji su definisani u Aneksima 2 i 3.“. Uvidom u dostavljenu dokumentaciju ponuđača „Bersia“ d.o.o. Sarajevo na stranici 4. ponude je konstatovano da ponuđač nije ponudio Aneks 2 (Izjava ponuđača) – nije naznačena cijena ponude, PDV na cijenu

ponude i ukupna cijena za ugovor niti brojevima niti slovima, te je takva prazna izjava potpisana na stranici br. 5 ponude i ovjerena pečatom ponuđača.

Nadalje Komisija je utvrdila da ponuđač „Bersia“ d.o.o. Sarajevo nije dostavio dokumentaciju traženu tačkom 3.4.1. a) tenderske dokumentacije – „*da je ponuđač u protekle tri kalendarske godine kao izvođač uspješno izvršio najmanje jedan ugovor koji za predmet ugovora ima radove iz oblasti rekonstrukcije ili izgradnje objekata visokogradnje vrijednosti najmanje 115.000,00 KM sa PDV-om.*“ Navedeno se dokazuje tačkom 3.4.2. a) tenderske dokumentacije – „*Lista izvršenih ugovora ponuđača koji su u vezi sa predmetom nabavke, a koji su realizovani u posljednje tri godine sa vrijednostima, datumima i naručiocima radova kao dokaz da je dobavljač uspješno izvršio najmanje jedan ugovor koji za predmet ugovora ima radove iz oblasti rekonstrukcije ili izgradnje objekata visokogradnje vrijednosti najmanje 115.000,00 KM sa PDV-om. Uz spisak izvršenih ugovora ponuđač je dužan dostaviti najmanje jednu potvrdu za ugovor koji za predmet ugovora ima radove iz oblasti rekonstrukcije ili izgradnje objekata visokogradnje vrijednosti najmanje 115.000,00 KM sa PDV-om, koju je izdala ugovorna strana – naručilac radova, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede; (original ili ovjerena kopija).*“

Komisija je utvrdila da u ponudi ponuđača „Bersia“ d.o.o. Sarajevo nije dostavljena lista izvršenih ugovora kako je zahtjevano tenderskom dokumentacijom.

Iz naprijed navedenih razloga utvrđeno je da ponuđač „Bersia“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (a) i tačke 4.4.1. , te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da preostala dostavljena ponuda „Sela“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji i izvršila računsku kontrolu ponude i utvrdila da nije bilo računске greške. Međutim, ponuđena cijena za ugovor veća je od procijenjene vrijednosti utvrđene Odlukom o pokretanju postupka za iznos od 23.082,17 KM. Shodno navedenom Komisija je dala preporuku za poništenje postupka jer je cijena jedine prihvatljive ponude znatno veća od osiguranih sredstava za predmetnu nabavku.

Imajući u vidu da je Komisija u cijelosti pravilno provela postupak i da je kvalifikacija ponuđača izvršena u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 69. stav (2) tačka d) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjercaka u skladu sa članom 99. i 101. Zakona o javnim nabavkama.

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova

